

«Այժմ այդ մատուռը շինուած է սրբատաշ քարերից և բա-
ւական մարութիւնը»¹⁾ :

«Մատուռի դրան ճակատին կարգացինք հետեւեալ արձա-
նագրութիւնը .

«Ես Տիկին Եղիսաբէթ Վաճկաճեանց կառուցի
մատուռս ի յիշատակ իմ և ամուսնոյս : Տէր յիշէ
մեզ, երբ բանք կօպառին և գործք կթագաւորեն ,
ի 1879 թ. Ք. »

«Փուցէ հարցնող լինի , թէ արդեօք ո՞ր տեղից է յայտնի ,
թէ սուրբ Գրիգորիան այդ հեռաւոր վայրումն է նահատակուել
. . . դրա համար մենք իբրեւ փաստ առաջ կը բերենք նախ ,
պատմութիւնը և ապա աւանդութիւնը :

«Ահա թէ ինչ է ստում Խորենացին :

« . . . Արեւելեան հիւսիսային կողմերի գործակալները
Փայտակարան (պէտք է հասկանալ Աղուանքը , Կասբքը և Ատրը-
պատականը) կոչուած հեռաւոր քաղաքի կառավարիչները եկան
և ասացին թագաւորին (Տրդատին) , եթէ կամենումես , որ այն
կողմերն ուղիղ հաւատի համաձայն վարուին , նրանց եպիսկո-
պոս ուղարկիր սուրբ Գրիգորի (Լուսաւորչի) ցեղից , որովհե-
տեւ նրանք շատ փափակելով են խնդրում , ստոյգ գիտենք , որ
Գրիգորի հուշակուած անունից և նորա գաւակից կ'քաշուին . . .
նրանելի Տրդատը սրան հաւանելով տալիս է նրանց եպիսկոպոս
մանուկ Գրիգորիսին , Վրդանէսի մեծ որդուն» . . . :

«Եւ ապա Խորենացին խօսելով Գրիգորիսի առաքինի վարք
և բարքի վրայ , ստում է . . . :

«Երբ Տրդատի մահի համբաւը հասաւ , Սանատրուկի և ու-

¹⁾ Այդ մատուռը եթէ չենք սխալուած , 1880 թուին Ամբրոսիոս վար-
դապետ Ռոսէնեանը , որ եկել էր այս կողմերը ժողովարարութիւն անելու ,
թեմիս հախիկին Առաջնորդ հանգուցեալ Փաղէս , եպիսկոպոս Զիւնականի
հրամանով օձել է և անունը դրել «Կելեղեցի սրբոյն Գրիգորիսի» :